



Plata dla Ploania Antermëia Sant'Antone Abat

Ploan: **siur Klaus Sottsass**
E.mail: klsottsas@rolmail.net

Tel. 344 1554055

UNITÉ PASTORALA



VAL BADIA

www.unitepastorala.org

Ann A **05.04.2026 - 12.04.2026 - GRAN FESTA DE PASCA** n. 19

Alleluia! Alleluia! Alleluia!

📖 **St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18**

Dal Vangele do San Jan 20, 1–18:

¹Le pröm dé dl'edema, é Maria da Màgdala jüda da doman adora, canch'al ê ciamò scür, fora dala fossa y à odü che la pera ê tuta demez dal sepolcher. ²Ara é saltada debota da Scimun Pire y dal discepul, a chël che Gejù ti orô bun, y ti à dit: An à tut le Signur fora de sepolcher, y i ne savun nia, olach'an l'à metü. ³Dailò é Pire y l'ater discepul jüs ia y fora y é rovà fora dal sepolcher; ⁴ai ê saltà trami deboriada, mo deache l'ater discepul ê plü asvelt co Pire, é chël rové por pröm dal sepolcher. ⁵Al s'à cufé jö y ite y à odü les fascas de lin ia por tera, mo al n'é nia jü ite. ⁶Tratan ê incé rové adalerch Scimun Pire, che ti gnô do, y é jü ite tl sepolcher. Al à odü les fascas de lin ia por tera ⁷y la peza dal assoius che ê stada söl cé de Gejù; ara n'ê nia pro les fascas de lin, mo dlungia, lobraida adöm te n post despartì. ⁸Spo é incé jü ite l'ater discepul, che ê rové por pröm dan le sepolcher; al à odü y à cherdü. ⁹Ai ne capî nia ciamò la Scritöra, che al messâ pö ressori dai moré...



ATLAMAZIUN

Gejù Crist, nosc Agnel da Pasca, é gnü sacrifiché! Fajun festa tal Signur! Alleluia.

📖 *Letöres dla Secunda domënia de Pasca - domënia bianca - domënia dla misericordia de Chel Bel Dî:*
St.Ap 2, 42–47 | 1 Pire 1, 3–9 | Jan 20, 19–31



Informaziuns y terminns

La proscima ora d'oraziun te stüa dla ciasa de nosc Sant a Oies gnarà tignida en vëndres, ai 10 de aurí dales 20.00. Chësc iade gnará l'oraziun tignida en forma de oraziun de Taizé. Düc é dër bel inviá a tó pert.

La **Uniun di Seniors da San Martin** mët a jí adöm cun la Ciasa de Palsa n **batadú** davert a düc **tla Ciasa de Palsa** a San Martin, en vëndres ai 10 d'aurí dales 14:00 inant. I pers pó se scrí ite por telefon 0474 524700 cina ai 7 d'aurí. Le cost d'iscriziun é de 20 euro a porsona che é da paié ite söl post. Düc é bel inviá. Al s'aspeta de bi pesé.

La “Pilgergemeinschaft” mët a jí en sabeda, ai 11 d'aurí, na “**Sternwallfahrt**” da deplü posé de Südtirol por rové düc adöm a Balsan, olach'al sará dales 16.00 na mëssa cun le Vësko. Nos s'incuntun dales 7.30 a Longega por jí cun la coriera a La Pli, a na picia funziun te dlijia. I jun inant a pe cina Sares y spo inant cina a San Laurënz, a tó la erata por Balsan. Do mëssa gnunse indô cun la ferata y coriera cina Longega, olach'i un i auti. Por informaziuns: Annamaria Fiung 347 52 77 810.

La Uniun de San Vinzenz, le Consëi de Formaziun d'Al Plan y le Sorvisc Infermieristich inviëia a na **incuntada de informaziun sura la prevenziun de tomades por la jënt de tēmp**. Les referëntes Maria Maggiori y Karin Tavella mostra co prevegní tomades tla vita da vignidé, co ch'an pó indô lové sö cun pücia fadia y daidé na porsona che é tomada, en vëndres, ai 10 d'aurí, dales 14.30 - 16.30 tl salf dles manifestaziuns a Al Plan. Nia debojëgn da s'anunzié.



I periun por i proi, che passa fora por momënc de crisa te süa vocaziun, ch'ai ciafes l'acompagnamënt ch'ai adora y che les comunités i sostëgnes cun comprenjiun y cun l'oraziun.

	07.04.2026	---
	12.04.2026	---
	12.04.2026	---

Impressum:

Comunicaziuns:

Download:

Ploania Antermëia - redaziun Carlo Piazza
cina la jöbia sëra a carlo.piazza@hotmail.com | o tel. 3803520465
www.unitepastorala.org | www.comun.sanmartindetor.bz.it



**Ostern ist Erinnerung,
die Zukunft schafft.
Denn jedes Erinnern
an den Auferstandenen
macht Platz für neues
Leben.
Erinnerung wird zur
Hoffnung,
Hoffnung zum Licht,
Licht zum Leben.**

**I TI AODUN A DÜC
CANC NA BUNA Y
SANTA PASCA PLËNA
DE PÊSC Y LIGRËZA.**